



NUNAVUNMI HAVAKTUNUT IKAYUQTIIT/TAAMANI KANATAMI ANGGITQIYAUUQ IKAYUQTIUYUT HAVAKTUNUT QULLIQ AULADJUTINUT KUAPURASINGALU AIVAQATTAHUINGMATTAMAMANGMIK TIKIUTIYUUGALUIT ANGGIQATIGIPLUTIK KIHIMI INIQHIMALLUANGGITTUQ ANGGIRUT

QILAMIK TUHAQTITAUARHAQ: Taaqhivalliavia 5, 2017 – Iqaluit, NU – Tikiutiuyugaluit anggiqatigiiplutik kihimi iniqhimalluangugittuq anggirut Nunavunmi Havaktunut Ikayuqtiit (NEU mik taivagaat) Qulliq Auladjutinut Kuapuraisingalu (QEC mik taivagaat) pidjutigiplugit 160 nik avatkuttut ikayuqtiqaqtut havaktiit havakpakhutik aulavikhanik inungnut tamainnut Nunavunmi.

“NEU kut quviahuktut tikiutiuyugaluit nakuuyumik naammagiayuyumik QEC nut iniktihimayugaluit ihumagiayinnik pittigiplugut tamainnik”, uqaqtuq Bill Fennell, Anggiyuqqaq NEU kunni. “Hadja piliqtugut havaagiyakhanik ilaayut uvaptingni vuutiriamiingnik iniktigutikhamik anggirutimik. Ihumayugut anggirut pidjutiuyug ihumaguyayuyinnik ilaqaqtauyunit uvaptingni ihumagiiplutiklu havaktip atuqpaannik iharigiyainnik.

Ilaayut niruagutait iniktigiangungnaqhiyuq iniktinnani Niqiliqiviup tatkihiutaa. Hivitunia pipkainiaqtuq aktuqtauyut NEU ni ilaayut niruariamiingnik Titiraqvigiyayuyumik Anggiktauhimaliqtumun tamaita pitquyut naammagiyaat tamainnit NEU kut QEC kutnitlu.

Hamna hivunikhaliugutigiyayuyug QEC kunnut, ilitariyumayatkalu aivaqatigiiktut havakpiangmatta tikiutiiplutik naammagiayuyumik ikayuutigilluaqtauyukhamut iniqhimalluangugittumik anggirunmik havangmatta”, uqaqtuq Minista Johnny Mike, Minista munariyaqtaqtuq QEC kunnut.

Anggiktauppat NEU kunni ilaayut niruaqtillutik ilaayunit, anggirut pidjutihimmaangniaqtuq taimunga Upluiqtirivia 31, 2020 mut.

“Quviahuktun’nga NEU kut QEC kutlu tikiutingmatta iniqhimalluangugittumik anggirunmik. Akhuuqpiqaqngmatta tamaita havakpiaqpakhutik ilitturiyayuyumatka,” uqaqtuq Minista Keith Peterson, Minista munariyalik Havaktunut Maligaannut.

– 30 –

Naunaitkut Nunavut Havaktunut Ikayuqtiit

Nunavut Havaktunut Ikayuqtiit (NEU mik taivagaat), ilautigiyayuyug Tamaani Kanatami Anggitqiyayuyug Ikayuqtiuyut Havaktunut (PSAC mik taivagaat), kivraqtuiyut amigaitqianik 4,200 havaktunik Nunavunmut aadlatkiiqlu nunallaat Nunavunmiuqatigiyayuyut. NEU kut pidjutiyauihimmalraaqhimayug 1998 mi Aviktuqviutinnagu Ukiuqtaqtumi 1999 mi. Havakviudjutigiyautaa havaakut taapkunanut pidjutiuyut Nunavunmut pihimayut qan’ngaraalurmin talvali Nunavutim itquumayug kinngunnga. Naunaittiagumaguvit, takulugu qaritauyakkuuguta uvani www.neu.ca.

Naunaitkut QEC kut

Malikhugu Nunavutim avikturvia Nunattiaqmin, Nunavut Pauwakkut Kuapuraissinga piyaat hivunikhaliurutaa auladjutivikhaqariamingnik nunallaanut avikturviani Nunavut Qitiqautiyuq 1, 2001 mi. Atia Aadlanggukhugu Qulliq Auladjutikhanut Kuapuraissinggukhugu (QEC mik taivagaat) 2003 mi, nunavunmi kuapuraissiungnguyuq nanminigiplugu Nunavut Kavamaita, aulaplutik talvanga kavamainni, unniutivikhaqaqhutik nunavunmi Ministaannut munariyalig QEC kunnut. Kuapuraissinga avaliittuq aulavikhaqaqtittiplutik Nunavunmi. Naunaittiagumaguvit, takulugu qaritauyakuugutaa uvani www.qec.nu.ca.

Naunaigumaguvit tuhaqtipkainikkut takulugu:

James Kaylor
Tuhaqtipkainikkut Havaktia
Nunavut Havaktunut Ikayuqtiit
Hivayautaa: 867.979.4209 Ext. 204
Qaritauyakuugutaa: james@neu.ca

Sheila Papa
Atan'nguyaq, Kuapuraitkunni
Tuhaqtipkainikkut
Qulliq Auladjutikhanut Kuapuraissinga
Hivayautaa: 867.979.7534
Qaritauyakuugutaa: spapa@qec.nu.ca

Denise Grandmaison
Atan'nguyaq, Tuhaqtipkainikkut
Maniliqiyitkunni
Hivayautaa: 867.975.6818
Qaritauyakuugutaa: dgrandmaison@gov.nu.ca